

BOSNA I HERCEGOVINA UPRAVA ZA INDIREKTNO OPOREZIVANJE

1188

Na osnovu člana 15. Zakona o Upravi za indirektno oporezivanje ("Službeni glasnik BiH", broj 89/05) i člana 61. stav 2. Zakona o upravi ("Službeni glasnik BiH", br. 32/02 i 102/09), direktor Uprave za indirektno oporezivanje donosi

UPUTSTVO ZA KORIŠTENJE BANKOVNIH GARANCIJA U CARINSKOM POSTUPKU

GLAVA I - OPŠTE ODREDBE

Član 1.

(Predmet)

Ovim Uputstvom bliže se uređuje vrsta, sadržaj i izgled bankovne garancije za osiguranje indirektnih poreza u carinskom postupku (u daljem tekstu: garancija) i kamate, uslovi i postupak prihvatanja garancije, način korištenja prihvaćene garancije i druga pitanja u vezi garancije.

Član 2.

(Definicije)

U smislu ovog Uputstva sledeći pojmovi imaju značenje:

- a) "garancija" znači instrument osiguranja plaćanja indirektnih poreza u carinskom postupku uvećanih za kamatu (zatezna i kompenzatorna) izdat od banke koja ima dozvolu za rad nadležnih Agencija za bankarstvo u Bosni i Hercegovini,
- b) "indirektni porezi" znači uvozne i izvozne dažbine, akcize, porez na dodatu vrijednost, i sve druge poreze zaračunate na robu i usluge koja se stavlja u carinski postupak, uključujući i poreze na promet i putarine,
- c) "carinski postupak" znači: stavljanje robe u slobodan promet, provoz, carinsko skladištenje, unutrašnja obrada, obrada pod carinskom kontrolom, privremeni uvoz, vanjska obrada, izvoz (ako postoje propisane izvozne dažbine) i privremeni smještaj robe,
- d) "garantni ured" znači svaki ured Uprave za indirektno oporezivanje koji odlučuje o prihvatanju garancije.

Član 3.

(Obaveza banke)

Izdavanjem bankovne garancije banka se obavezuje da će platiti dug po osnovu indirektnih poreza, uvećan za kamatu kojeg korisnik garancije do njihove dospelosti nije platio.

GLAVA II - OBLIK I VRSTE GARANCIJA

Član 4.

(Oblik garancija)

- (1) Garancija se može položiti u obliku:
 - a) gotovinskog depozita i
 - b) pomoću jamca.
- (2) Gotovinski depozit se daje u valuti BiH ili odgovarajućem iznosu strane valute prema važećem kursu koji objavljuje Centralna banka BiH.

Član 5.

(Vrste garancija)

Garancija za osiguranje indirektnih poreza u carinskom postupku, osim garancija za postupak provoza iz člana 8. ovog Uputstva, može biti:

- a) pojedinačna garancija koju korisnik garancije podnosi kao instrument osiguranja za plaćanje pojedinačnog duga po osnovu indirektnih poreza, uvećan za kamatu

- b) sveobuhvatna garancija kojom se osiguravaju dugovi po osnovu indirektnih poreza, uvećani za kamate, koji su nastali ili bi mogli nastati u roku važenja garancije u carinskim postupcima za koje je garancija položena.

Član 6.

(Korištenje sveobuhvatne garancije)

- (1) Indirektni porezi u carinskim postupcima: stavljanje u slobodan promet, unutrašnja obrada, obrada pod carinskom kontrolom, privremeni uvoz, carinsko skladištenje, privremeni smještaj, vanjska obrada, izvoz i u pojednostavljenim postupcima se mogu osigurati sveobuhvatnom garancijom za pojedine postupke ili jednom sveobuhvatnom garancijom za više carinskih postupaka, osim ukoliko za pojedine carinske postupke nije drugačije propisano.
- (2) Ukoliko se jednom sveobuhvatnom garancijom osiguravaju indirektni porezi za više carinskih postupaka u carinskoj ispostavi ili carinskom referatu na graničnom prelazu ili za carinske postupke u više carinskih ispostava ili carinskih referata na graničnim prelazima u okviru jednog regionalnog centra, podnosilac zahtjeva za prihvatanje sveobuhvatne garancije navodi na specifikaciji o rasporedu sredstava po garanciji, koji iznos sredstava iz te garancije namjerava koristiti u navedenoj carinskoj ispostavi odnosno carinskom referatu na graničnom prelazu, za koji postupak i po potrebi podatke o zastupanom licu.
- (3) Ukoliko postoji potreba za izmjenom rasporeda raspoloživih sredstava po specifikaciji, podnosilac zahtjeva iz stava (2) ovog člana, podnosi nadležnom garantnom uredu uz zahtjev i novu specifikaciju o rasporedu sredstava po garanciji. Garantni ured, nakon provjere ispunjenosti uslova za novi raspored sredstava po garanciji, postupa u skladu sa odredbama stava (3) člana 13. ovog Uputstva.

Član 7.

(Sadržaj i izgled garancije)

- (1) Garancija sadrži slijedeće podatke:
 - broj i vrsta (pojedinačna ili sveobuhvatna) garancije,
 - iznos garancije,
 - rok važenja garancije,
 - podatke o izdavaocu garancije, naziv banke, identifikacioni broj dodijeljen od strane UIO, sjedište, adresa, broj transakcijskog računa banke i gdje se vodi, ovlašteno lice za ovjeru i potpis te osobe, otisak službenog pečata banke,
 - podatke o korisniku garancije: naziv korisnika, identifikacioni broj dodijeljen od strane UIO, sjedište i adresa, broj transakcijskog računa i gdje se vodi, osoba ovlaštena za zastupanje,
 - odredbu o naplati iz garancije "na prvi poziv i bez prigovora" na način da će garant platiti indirektnu poreze i kamatu (zateznu i kompenzatornu) koje korisnik garancije do njihove dospelosti nije izmirio,
 - odredbu o preuzimanju garancijskih obaveza iz prethodne garancije,
 - mjesto i datum izdavanja garancije,
 - odredbu o prihvatanju garancije od strane garantnog ureda (broj, datum, potpis ovlaštenog službenika i otisak službenog pečata).
- (2) Izgled garancije sa sadržajem dat je u prilogima kako slijedi:
 - a) pojedinačna garancija - Prilog 1.,

- b) sveobuhvatna garancija - Prilog 2.

Član 8.

(Vrste garancija u postupku provoza)

U postupku provoza indirektni porezi mogu biti osigurani pojedinačnom garancijom za postupak provoza i sveobuhvatnom garancijom za postupak provoza.

Član 9.

(Pojedinačna garancija za postupak provoza)

Pojedinačnom garancijom za postupak provoza osigurava se dug po osnovu indirektnih poreza, uvećan za kamatu za jednu radnju provoza. Pojedinačna garancija se podnosi na obrascu iz Priloga 27. Odluke o provedbenim propisima Zakona o carinskoj politici Bosne i Hercegovine ("Službeni glasnik BiH", br. 63a/04, 60/06 i 57/08), (u daljem tekstu: Odluka) - Prilog 3. Uputstva.

Član 10.

(Sveobuhvatna garancija za postupak provoza)

Sveobuhvatnom garancijom za postupak provoza osigurava se dug po osnovu indirektnih poreza, uvećan za kamatu za više radnji provoza u okviru jednog regionalnog centra. Sveobuhvatna garancija se podnosi na obrascu iz Priloga 36. Odluke - Prilog 4. ovog Uputstva.

GLAVA III - PRIHVATANJE I OVJERA GARANCIJA

Član 11.

(Uslovi za prihvatanje)

- (1) Garancija može biti prihvaćena od strane garantnog ureda ukoliko je izdata od banke koja ima dozvolu za rad od nadležne Agencije za bankarstvo u Bosni i Hercegovini i sadrži elemente iz člana 7. ovog Uputstva odnosno ukoliko se radi o garanciji za postupak provoza sadrži elemente garancije propisane obrascima iz člana 9. i 10. ovog Uputstva.
- (2) Garancija koja je izdata od banke koja se nalazi u postupku privremene uprave, stečaja ili likvidacije ne može se prihvatiti.

Član 12.

(Podnošenje zahtjeva za prihvatanje garancije)

- (1) Zahtjev za prihvatanje garancije korisnik garancije podnosi Odsjeku za poslovne usluge pri Regionalnom centru, kod kojeg se kao instrument osiguranja namjerava koristiti garancija.
- (2) Uz zahtjev iz stava (1) ovog člana prilaže se garancija u tri originalna primjerka i specifikacija o rasporedu sredstava po garanciji iz Priloga 5., ako je potrebno rasporediti sredstva.

Član 13.

(Postupanje garantnog ureda)

- (1) Garantni ured nakon utvrđivanja ispunjenosti uslova iz člana 11. ovog Uputstva odlučuje o prihvatanju garancije. Podatke o prihvatanju garancije garantni ured upisuje na sva tri primjerka prihvaćene garancije u tekstu koji se odnosi na prihvatanje.
- (2) Jedan primjerak prihvaćene garancije zadržava garantni ured, a dva primjerka prihvaćene garancije vraća korisniku garancije, od kojih jedan primjerak korisnik garancije dostavlja izdavaocu iste.
- (3) Garantni ured kopiju prihvaćene garancije i specifikaciju o rasporedu sredstava dostavlja Središnjem uredu UIO-Sektoru za poslovne usluge, carinskim ispostavama i carinskim referatima na koje se odnosi garancija, te drugim organizacionim jedinicama Sektora za carine, ukoliko je to propisano drugim podzakonskim aktom.
- (4) U slučaju kada je garantni ured prihvatio pojedinačnu garanciju za postupak provoza, isti zadržava kopiju

prihvaćene garancije i o istom pismenim putem obavještava polazni carinski ured. Korisnik postupka tri originalna primjerka garancije prihvaćene od garantnog ureda podnosi polaznom carinskom uredu, koji na iste upisuje broj i datum provodne prijave i ovjerava potpisom i pečatom, a jedan originalni primjerak garancije zadržava u skladu sa odredbama člana 220. Odluke. Preostala dva primjerka polazni carinski ured vraća korisniku postupka koji jedan primjerak dostavlja izdavaocu garancije.

- (5) Ukoliko nisu ispunjeni uslovi za prihvatanje garancije garantni ured o tome donosi odluku po pravilima upravnog postupka.

GLAVA IV - VAŽENJE GARANCIJE, NAPLATA, PRAĆENJE I POVLAČENJE GARANCIJE U CARINSKOM POSTUPKU

Član 14.

(Važenje garancije)

Rok važenja sveobuhvatne garancije ne može biti kraći od šest mjeseci, odnosno kraći od roka u kojem dug može nastati.

Član 15.

(Nalog za naplatu)

- (1) Nadležni carinski ured, u slučaju neplaćanja indirektnih poreza u propisanom roku, Odsjeku za poslovne usluge podnosi zahtjev za naplatu indirektnih poreza i kamata iz garancije uz koji prilaže dokaz o dugu. Odsjek za poslovne usluge podnosi nalog za naplatu indirektnih poreza i kamata iz garancije nastalih u roku važenja garancije izdavaocu garancije na obrascu iz Priloga 6. ovog Uputstva. Nalog za naplatu se podnosi najkasnije u roku od 90 dana od dana isteka roka važenja garancije.
- (2) Ukoliko se radi o naplati indirektnih poreza osiguranih pojedinačnom garancijom za postupak provoza, polazni carinski ured podnosi Odsjeku za poslovne usluge Regionalnog centra zahtjev za naplatu indirektnih poreza i kamata iz garancije uz koji prilaže i originalni primjerak pojedinačne garancije za postupak provoza na koju se zahtjev odnosi. Na osnovu podnijetog zahtjeva, Odsjek za poslovne usluge podnosi nalog za naplatu izdavaocu garancije.
- (3) Odsjek za poslovne usluge nadležnog Regionalnog centra, uz nalog za naplatu prilaže i dokaz o dugu u zavisnosti od situacije (npr. carinska prijava, rješenje ili drugi odgovarajući carinski dokument). Jedan primjerak naloga istovremeno se dostavlja i korisniku garancije.

Član 16.

(Povrat garancije)

- (1) Na pisani zahtjev korisnika garancije, garantni ured vraća položenu garanciju kada utvrdi da su plaćeni svi indirektni porezi koji su osigurani tom garancijom ili da dug ne može više nastati, ili da je naplata duga osigurana drugim odgovarajućim instrumentom.
- (2) Banka garant može povući jamstvo u svako doba bez navođenja razloga. U tom slučaju pisani zahtjev se dostavlja garantnom uredu i garancija se otkazuje 30-tog dana, odnosno 16-tog dana kod postupka provoza od dana zaprimanja zahtjeva, s tim da banka može odrediti duži rok za otkazivanje garancije. U takvim okolnostima garancija vrijedi za sve dugove koji su do dana povlačenja garancije bili osigurani otkazanom garancijom.
- (3) Ako korisnik garancije podnese zahtjev za vraćanje garancije kojoj nije istekao rok važenja, istu više ne može koristiti u carinskom postupku za koji je položena, u kojem slučaju garantni ured provodi postupak radi utvrđivanja ispunjenosti uslova iz stava (1) ovog člana za vraćanje garancije. Garantni ured dužan je, u cilju

onemogućavanja daljeg korištenja garancije obavijestiti carinske urede na koje se garancija odnosi.

Član 17.

(Podnošenje nove garancije)

Ako korisnik garancije, u carinskim postupcima u kojima su nastale ili bi mogle nastati obaveze po osnovu indirektnih poreza i kamata, umjesto već položene garancije podnosi novu garanciju, nova garancija mora sadržavati i odredbu da se iz nje mogu naplatiti indirektni porezi i kamate osigurani prethodnom garancijom, sa navođenjem podataka o toj garanciji (broj i datum garancije, izdavalac garancije).

Član 18.

(Evidencija)

Carinske ispostave odnosno carinski referati su u obavezi voditi evidenciju o garancijama koje se na njih odnose i kontinuirano pratiti njihovo zaduženje i razduženje, na obrascu Prilog 7. ovog Uputstva, osim za garancije čije zaduženje/razduženje se prati automatski u informacionom sistemu UIO.

GLAVA V - PRELAZNE I ZAVRŠNE ODREDBE

Član 19.

(Korištenje garancija)

- (1) Za sve što nije regulisano ovim Uputstvom, primjenjivaće se odgovarajuće odredbe Zakona o carinskoj politici BiH ("Službeni glasnik BiH", br. 57/04, 51/06, 93/08, 54/10 i 76/11) i Odluka o provedbenim propisima Zakona o carinskoj politici BiH.

- (2) Garancije koje su do dana stupanja na snagu ovog Uputstva prihvaćene od garantnog ureda u skladu sa Uputstvom za korištenje bankovnih garancija u carinskom postupku, broj 16-5144/05 od 30.05.2005. godine, mogu se koristiti do isteka roka važenja istih.

- (3) Pojednostavljena u carinskom postupku provoza, koja se odnose na korištenje bankovnih garancija, propisana odredbama člana 243. do 255. Odluke neće se primjenjivati u carinskim postupcima do stvaranja uslova za njihovu primjenu.

Član 20.

(Prestanak važenja ranijih propisa)

Danom stupanja na snagu ovog Uputstva prestaje da važi Uputstvo za korištenje bankovnih garancija u carinskom postupku, broj 16-5144/05 od 30.05.2005. godine.

Član 21.

(Sastavni dio Uputstva)

Sastavni dio Uputstva čine: Prilog 1. i 2. iz člana 7., Prilog 3. iz člana 9., Prilog 4. iz člana 10., Prilog 5. iz člana 12., Prilog 6. iz člana 15. i Prilog 7. iz člana 18. ovog Uputstva.

Član 22.

(Stupanje na snagu)

Ovo Uputstvo stupa na snagu osmog dana od dana objavljivanja u "Službenom glasniku BiH".

Broj 02-2-2190/13
15. oktobra 2013. godine

Direktor
Dr. **Miro Džakula**, s. r.

Prilog 1.

MEMORANDUM BANKE

Na osnovu člana 181. do 192. Zakona o carinskoj politici BiH („Službeni glasnik BiH“, br. 57/04, 51/06, 93/08, 54/10 i 76/11) na zahtjev _____ izdaje se

GARANCIJA broj _____
radi osiguranja naplate indirektnih poreza koje je UIO ovlaštena naplaćivati

TIP GARANCIJE: pojedinačna

Ova garancija važi kao instrument osiguravanja naplate indirektnih poreza (uvoznih i izvoznih dažbina, akciza, porez na dodatu vrijednost i sve druge poreze zaračunate na robu i usluge, uključujući poreze na promet i putarine), uvećanih za zateznu i kompenzatornu kamatu i druge troškove, maksimalno do KM _____ (slovima _____), čiji je osnov nastao u roku od _____ do _____ godine, za carinski postupak _____

PODACI O IZDAVAOCU:

Identifikacioni broj: _____
 Naziv banke garanta: _____
 Sjedište: _____
 Adresa: _____
 Broj računa: _____
 koji se vodi kod: _____
 Ovlaštena osoba za ovjeru garancije: _____

PODACI O KORISNIKU GARANCIJE

Identifikacioni broj: _____
 Firma (puni naziv): _____
 Sjedište: _____
 Adresa: _____
 Broj računa: _____
 koji se vodi kod: _____
 Ovlaštena osoba: _____

Banka garant se obavezuje da će na prvi poziv Uprave za indirektno oporezivanje/Regionalnog centra bezuslovno i bez prigovora platiti indirektnu poreze čija je naplata osigurana korištenjem garancije, ukoliko korisnik garancije ne izmiri indirektnu poreze u zakonskom odnosno propisanom roku.

Ukoliko banka garant ne izmiri svoje obaveze u roku od 5 (pet) dana od dana zaprimanja naloga za plaćanje, niti predočavanjem odgovarajućeg dokaza o izmirenju obaveze obavijesti Regionalni centar koji je podnio nalog za plaćanje, podnosilac naloga će u ime Uprave za indirektno oporezivanje preduzeti sve mjere u cilju prinudne naplate u skladu sa zakonskim propisima.

Naplata po ovoj garanciji može se izvršiti u roku 90 dana računajući od dana isteka jamstvenog roka.

Ova garancija može se koristiti za osiguranje namirenja duga drugih osoba u slučajevima kada je korisnik garancije opunomoćeni otpremnik tih osoba u carinskom odobrenom postupku predmetne robe.

DA - NE
(nepotrebno precrtati)

Ovom garancijom osigurava se namirenje neizmirenog duga nastalog po prethodnoj garanciji broj _____ izdatoj od garanta _____. Ova garancija je izdata u 3 (tri) istovjetna primjerka, od kojih se dva uručuju korisniku garancije, od kojih jedan primjerak korisnik dostavlja izdavaocu garancije a treći zadržava Regionalni centar.

(mjesto i datum)M.P.
(banka)_____
(potpis ovlaštenog lica)

Uprava za indirektno oporezivanje – Regionalni centar _____ prihvata i evidentira predmetnu garanciju pod brojem _____ kao jamstvo za pravovremeno i cjelovito plaćanje indirektnih poreza nastalih po ovoj garanciji.

(mjesto i datum)

M.P.

(potpis ovlaštenog lica)

Prilog 2.

MEMORANDUM BANKE

Na osnovu člana 181. do 192. Zakona o carinskoj politici BiH („Službeni glasnik BiH“, br. 57/04, 51/06, 93/08, 54/10 i 76/11) na zahtjev _____ izdaje se

GARANCIJA broj _____
radi osiguravanja naplate indirektnih poreza koje je UIO ovlaštena naplaćivati

TIP GARANCIJE: sveobuhvatna

Ova garancija važi kao instrument osiguravanja naplate indirektnih poreza (uvoznih i izvoznih dažbina, akcize, poreza na dodatu vrijednost i sve druge poreze zaračunate na robu i usluge, uključujući i poreze na promet i putarine) uvećanih za zateznu i kompenzatornu kamatu i druge troškove, maksimalno do KM _____, (slovima _____), čiji je osnov nastao u roku od _____ do _____ godine u regionalnom centru _____

PODACI O IZDAVAOCU:

Identifikacioni broj: _____
 Naziv banke garanta: _____
 Sjedište: _____
 Adresa: _____
 Broj računa: _____
 koji se vodi kod: _____
 Ovlaštena osoba za ovjeru garancije: _____

PODACI O KORISNIKU GARANCIJE

Identifikacioni broj: _____
 Firma (puni naziv): _____
 Sjedište: _____
 Adresa: _____
 Broj računa: _____
 koji se vodi kod: _____
 Ovlaštena osoba: _____

Banka garant se obavezuje da će na prvi poziv Uprave za indirektno oporezivanje/Regionalnog centra bezuslovno i bez prigovora platiti indirektnu porezu čija je naplata osigurana korištenjem garancije, ukoliko korisnik garancije ne izmiri indirektnu porezu u zakonskom odnosno propisanom roku.

Ukoliko banka garant ne izmiri svoje obaveze u roku od 5 (pet) dana od dana zaprimanja naloga za plaćanje, niti predočavanjem odgovarajućeg dokaza o izmirenju obaveze obavijesti Regionalni centar koji je podnio nalog za plaćanje, podnosilac naloga će u ime Uprave za indirektno oporezivanje preduzeti sve mjere u cilju prinudne naplate a u skladu sa zakonskim propisima.

Naplata po ovoj garanciji može se izvršiti u roku 90 dana računajući od dana isteka jamstvenog roka.

Ova garancija može se koristiti za osiguranje namirenja duga drugih osoba u slučajevima kada je korisnik garancije opunomoćeni otpremnik tih osoba u carinskom odobrenom postupku predmetne robe.

DA - NE
(nepotrebno precrtati)

Ovom garancijom osigurava se namirenje neizmirenog duga nastalog po prethodnoj garanciji broj _____ izdatoj od garanta _____. Ova garancija je izdata u 3 (tri) istovjetna primjerka, od kojih se dva uručuju korisniku garancije, od kojih jedan primjerak korisnik dostavlja izdavaocu garancije, a treći zadržava Regionalni centar.

(mjesto i datum)M.P.
(banka)_____
(potpis ovlaštene osobe)

Uprava za indirektno oporezivanje - Regionalni centar _____ prihvata i evidentira predmetnu garanciju pod brojem _____ kao jamstvo za pravovremeno i cjelovito plaćanje indirektnih poreza nastalih po ovoj garanciji.

(mjesto i datum)

M.P.

(potpis ovlaštene osobe)

MEMORANDUM BANKE

Prilog 3.

POSTUPAK PROVOZA
POJEDINAČNA GARANCIJA*I Obavezivanje od strane jamca*1. Dolepotpisani¹Sa adresom u² _____

ovim solidarno i lično garantira, u garantnom uredu _____

do maksimalnog iznosa od _____

u korist budžeta BiH, za svaki iznos korisnika postupka, daljnje obaveze, izdatke i nepredviđene izdatke, ali ne i za novčane kazne, za koje korisnik postupka³

_____ može biti ili će biti odgovoran prema BiH za dug u vidu uvoznih i drugih dažbina koje se primjenjuju na dolje opisanu robu stavljeni u postupak provoza od polaznog ureda

do odredišnog ureda _____

Opis robe:

2. Dolepotpisani se obavezuje da će izvršiti plaćanje na prvi pisani zahtjev od strane nadležnih carinskih organa a bez mogućnosti odlaganja plaćanja duže od 30 dana od dana podnošenja zahtjeva za tražene iznose, osim ako on ili bilo koja druga zainteresovana osoba prije isteka tog roka ne dokaže carinskim organima, da je postupak ispravno završen.

Na zahtjev dolepotpisanog i iz bilo kojih razloga koji se priznaju kao valjani, nadležni carinski organi mogu produžiti period u kojem je on dužan da plati traženu sumu i više od 30 dana od dana podnošenja zahtjeva za plaćanje. Troškovi nastali kao rezultat odobravanja tog dodatnog perioda, naročito kamate, moraju se obračunati tako da iznos bude jednak onom koji bi bio naplaćen pod sličnim okolnostima u BiH.

3. Ovo obavezivanje važi od dana njegovog prihvatanja od strane garantnog ureda. Dolepotpisani ostaje odgovoran za plaćanje bilo kojeg duga koji nastaje u toku postupka provoza koji je obuhvaćen ovim obavezivanjem a započeo je prije nego je na snagu stupilo bilo kakvo otkazivanje ili ukidanje garancije, čak i onda kada je zahtjev za plaćanje podnesen nakon tog dana.
4. Dolepotpisani priznaje nadležnost sudova u BiH.

Dolepotpisani se obavezuje da neće mijenjati adresu koju je dao ili, ako mora promijeniti adresu, da će o tome unaprijed obavijestiti garantni ured.

U _____, datum _____

(potpis)⁴

II Prihvatanje od strane garantnog ureda

Garantni ured _____

Obavezivanje jamca prihvaćeno dana _____ za pokrivanje radnje provoza koja se vrši po
provoznoj prijavi br. _____ od _____

(pečat i potpis)

¹Prezime i ime ili naziv firme

²Puna adresa

³Prezime i ime ili naziv firme i adresa korisnika postupka

⁴Osoba koja potpisuje dokument mora prije potpisivanja svojeručno napisati sljedeće: „Garancija u iznosu od _____“, iznos navesti slovima.

⁵Popunjava polazni ured.

Prilog 4.

MEMORANDUM BANKE

POSTUPAK PROVOZA

SVEOBUH VATNA GARANCIJA

*I Obavezivanje od strane jamca*1. Dolepotpisani¹Sa adresom u² _____

ovim solidarno ili lično garantira, u garantnom uredu _____

do maksimalnog iznosa od _____

što predstavlja 100% / 50% / 30%³ referentnog iznosa,u korist budžeta BiH, za svaki iznos korisnika postupka, daljnje obaveze, troškove i nepredviđene izdatke, ali ne i novčane kazne, za koje korisnik postupka⁴

može biti ili će postati odgovoran prema BiH za dug u vidu uvoznih i drugih dažbina koje se odnose na robu stavlenu u postupak provoza.

2. Dolepotpisani se obavezuje da će izvršiti plaćanje traženih iznosa do gore navedenog maksimalnog iznosa na prvi pisani zahtjev od strane nadležnih carinskih organa a bez mogućnosti odlaganja plaćanja traženih iznosa duže od 30 dana od dana podnošenja zahtjeva, osim ako on ili bilo koja druga zainteresovana osoba prije isteka tog roka ne dokaže carinskim organima, da je postupak ispravno završen.

Na zahtjev dolepotpisanog i iz bilo kojih razloga koji se priznaju kao valjani, nadležni carinski organi mogu produžiti period u kojem je on dužan da plati traženu sumu i više od 30 dana od dana podnošenja zahtjeva za plaćanje.

Troškovi nastali kao rezultat odobravanja tog dodatnog roka, naročito kamate, moraju se obračunati tako da iznos bude jednak onom koji bi bio naplaćen pod sličnim okolnostima u BiH.

Ovaj iznos se ne može umanjiti za bilo koji iznos koji je već plaćen pod uslovima ovog obavezivanja osim ako se od dolepotpisanog zatraži da plati dug koji se pojavi tokom radnje provoza koja je započeta prije primitka prethodnog zahtjeva za plaćanje ili u roku od 30 dana nakon toga.

3. Ovo obavezivanje važi od dana njegovog prihvatanja od strane garantnog ureda. Dolepotpisani ostaje odgovoran za plaćanje bilo kojeg duga koji nastaje u toku postupaka provoza obuhvaćenih ovim obavezivanjem a koji su započeli prije nego je na snagu stupilo bilo kakvo otkazivanje ili ukidanje garancije, čak i onda kada je zahtjev za plaćanje podnesen nakon tog dana.

4. Dolepotpisani priznaje nadležnost sudova u BiH.

Dolepotpisani se obavezuje da neće mijenjati adresu koju je naveo ili, ako bude morao promijeniti tu adresu, da će o tome unaprijed obavijestiti garantni ured.

U _____, datum _____

(potpis)⁵

II Prihvatanje od strane garantnog ureda

Garantni ured _____

Obavezivanje jamca prihvaćeno dana _____ pod brojem
_____.

(pečat i potpis)

¹Prezime i ime ili naziv firme

²Adresa

³Precrtati ono što se ne primjenjuje

⁴Prezime i ime ili naziv firme i adresa korisnika postupka

⁵Osoba koja potpisuje dokument mora svojeručno napisati sljedeće prije potpisa: „Garancija za iznos od _____“, iznos napisati slovima.

Prilog 5.

Bosna i Hercegovina
Uprava za indirektno-neizravno oporezivanjeБосна и Херцеговина
Управа за индиректно опорезивањеRegionalni centar _____
Odsjek za poslovne uslugeBroj: _____ / _____
Datum: _____ godine**SPECIFIKACIJA BROJ _____ / _____**
o rasporedu sredstava po garanciji

Za garanciju, prihvaćenu i evidentiranu pod brojem _____ / _____ izdatu od _____ sa rokom važenja od _____ do _____ na ime korisnika garancije _____ iz _____, raspoređuje se ukupan iznos garancije od _____ KM na sljedeće carinske postupke i/ili carinske urede u Regionalnom centru _____ kako slijedi:

Redni broj	Carinski ured (CI ili CR/GP)	Vrsta carinskog postupka (stavljanje u slobodan promet i dr.)	Iznos u KM	Korisnik postupka odnosno zastupana osoba (npr. kod pojednostavljenog postupka po fakturi)

Korisnik garancije: M.P.
(ovlaštena osoba)M.P. Regionalni centar
(ovlaštena osoba)Broj: _____
Datum: _____

Prilog 6.

Bosna i Hercegovina
Uprava za indirektno-neizravno oporezivanjeБосна и Херцеговина
Управа за индиректно опорезивањеRegionalni centar _____
Odsjek za poslovne uslugeBroj: _____ / _____
Datum, _____ godine

IZDAVALAC GARANCIJE

Predmet: Nalog za naplatu iz garancije

Po carinskoj prijavi broj _____ od _____ prihvaćenoj u carinskom uredu (CI/CR) _____ za carinski postupak _____, nastao je dug po osnovu indirektnih poreza obračunat _____ (po navedenoj prijavi ili po odluci broj: _____ od _____ godine, navesti odgovarajuće) u iznosu od _____ KM, za robu deklaranta _____, za koju je, kao osiguranje naplate, položena garancija koju ste izdali korisniku garancije _____, pod brojem _____ od _____ godine, na iznos od _____ KM, sa rokom važenja od _____ do _____ godine.

Nalažemo da, u roku 5 (pet) dana od dana zaprimanja ovog naloga izvršite plaćanje prednje navedenog obračunatog, a nenaplaćenog duga, jer ste se kao banka garant, po prednje navedenoj garanciji, obavezali izvršiti plaćanje istog. Plaćanje izvršiti prema niže prikazanom obračunu, a u skladu sa Pravilnikom o uplaćivanju indirektnih poreza i ostalih prihoda i naknada koje naplaćuje Uprava za indirektno oporezivanje ("Službeni glasnik BiH", br. 99/07, 31/08 i 51/09).

Redni broj	Vrsta prihoda	Naziv prihoda	Uplatni račun	Iznos (KM)
Ukupno:				

Prilog:

Dostaviti:

M.P.

šef Odsjeka za poslovne usluge

Prilog 7.

Bosna i Hercegovina
Uprava za indirektno-neizravno oporezivanjeБосна и Херцеговина
Управа за индиректно опорезивањеRegionalni centar _____
Carinska ispostava/Carinski referat _____Broj: _____ / _____
Datum, _____ godine**EVIDENCIJA**

zaduženja i razduženja prihvaćene i evidentirane garancije broj _____, sa rokom važenja do _____, korisnika _____, iznosa po specifikaciji _____ KM.

Datum	Vrsta postupka i broj carinske prijave	Zaduženje (duguje) KM	Razduženje (potražuje) KM	Stanje garancije KM